

تیره امام و خطیب مکتبی ده لغو ایدیلدی

تیره دن اداره خانه مزه بیلدی ریپور :

« بروقتلر بویوک ماللر ، مؤافلر یتشدیرن تیره بر امام و خطیب مکتبی ده چوقه کورولدی . مکتب لغو ایدیلدی . یکریمی بش جسم کویلره ، ادای صلات ایدیلن یکریمی بویوک جوامع و او نسبتده معمور مساجده مالک اولان تیره بویوکون بو خصوصده اکی قطعی احتیاجلرینی تطمین ایدمه جک ، وظائف دینه لرینی ایفا ایدمه جک شخصیتلری یتشدیرن بردارالرفاندن محروم بولونیور ، آثاریله قیمت و اهمیت معارف و کیلی بکک تحت اعترافنده بولنان و امثالنه نادر تصادف ایدیلن حاجی نجیب پاشا کتبخانه سی نهایت طلبه سز بر ایدیلدی . محیطی خارجنده تحصیل ایدمه میه جک الی بی متجاوز بیچاره طلبه حزین کوزیاشری ایچنده قابو طیشاری ایدیلدی . زواللی تیره ! . بر زمانلر مقرر علما طائمشکن شیمدی ده ناصل بر هاقبه محکوم بر ایدیلدینی تخمین ایدمه مز ایسه ده آنجق ساکنلری [اذواقتم فی امرهظیم فقولوا حسبنالله ونعم الوکیل] سرینه تجلیکاه اولدی . »

ا . ف

§ خبر آلدیغنه کوره اوده مشده کی امام و خطیب مکتبی ده سد اولونمشدر .

* *

مختلط تدریسات فارسی فرانزک ندری

وقت غزته سی یازیور :

« مارسیلیایه جوار (زاوی) قصبه سنده غریب بر حادثه اولمشدر . وقعه شودر : الیوم موقع اقتدارده بولونان فرانز حکومتی ، توحید تدریسات و مختلط تحصیل اصولی وضع ایتدیکندن بو خصوصه دائر اولان قانون مذکور قصبه ده تطبیق ایدیلک ایسته نیلمشدر . فقط بونی خوش لورمه ین چوجق و لیلری اولادلرینی مکتبه کوندرمه مک صورتیه مختلط تدریسات قانونک هلیهنده اولدولرینی کوسترمک ایسته مشلدر . مکتبه آنجق اوج یکی طلبه قید اولوندیغندن محلی معارف اداره سی ، نظارنه مراجعتله تعقیب ایدیله جک خط حرکت حقنده تعلیمات ایسته مشدر . فرانسه کی بر یرده مختلط تدریساته خالق معارض ایکن ، بزده تطبیق نصل اولور ، تحف دکلی ؟ »

* *

محل آداب نشریات مقفده

غزته لک یازدیغنه نظراً قانون جزا قومیسونی ، قانون جزانک محل آداب نشریات حقنده کی (۱۳۹) نجی ماده سی بوجه آتی اساسات دائره سنده تعدیل ایتمشدر :

موقوت و غیر موقوت ، مطبوع و غیر مطبوع رسائل و جرائنده آداب عمومیه یه مغایر اولارق نظماً و نترأ هزل و هجومه دائر شیئری و یاخود محل اخلاق مقالات و شریقلری و رسملری تحریر ، تصویر ، حک و اعمال ایدمه نلر ، باصان و یا باصدیرانلر ، یاخود علنی اولماسه بیله فروخت و توزیع ایدنلر و یا طریق عامده یاخود عمومی محللرده انظار عمومیه یه وضع ایله نلر و یا طرف ایچنده ، آجیق اولارق پوسته و سائر وسائط ایله اقامتگاهلره کوندرنلر ، یاخو . تجارت مقصدیله ممالک اجنبیه دن تورکیه یه ادخال و تورکیه داخلنده بر محلدن دیگر محله نقل

ایدمه نلر و یاخود بونلرک کیفیت طبع و نشرینی اعلان ایدمه نلر و بوقیل تصاویری هر کیسه اولورسه اولسون ایجار ایدمه نلر بر آیدن بر سنه یه قدر قدر حبس اولونور و اون لیرادن الی لیرایه قدر جزای نقدی ایله تجزیه ایدیلیر . بوندن باشقه موضوع بحث مقالات ، شرقی ، رسم قلدشعلری و نسخ مطبوعه سی مصادره اولونور . آداب عمومیه یه مخالف و محل اخلاق بوقیل آثار و موضوعاتی تیارو وسینه مالرده و یا عمومی محللرده تمیل ایدن و ایتدیره نلر و انظار عمومیه یه وضع ایدمه نلر و بویکی آثاره عاند سینه ما شریدلرینی تجارت مقصدیله ممالک اجنبیه دن تورکیه یه ادخال و یا تورکیه داخلنده بر محلدن دیگر بر محله نقل ایدمه نلر کذب بر آیدن بر سنه یه قدر حبس اولونور و اون لیرادن الی لیرایه قدر جزای نقدی ایله تجزیه ایدیلیر .

* *

قباحت غزته بیلدرمه سی ؟

آ قحصار قائم مقامنک فاحشه لره بر باطرون جلبی حقنده استانبول والیسنه کوندردیکی تحریرات مطبوعه یه خیلی قیل و قالی موجب اولدینی کی بو حوادثک غزته لره عکس ایتمه سندن متأثر اولان داخلیه و کالتیه ولایته اجرای تبلیغانده بولونه رق غزته محررلرینه معاملات دولت حقنده قطعاً معلومات و یریله مسنی بیلدیرمش و بو امر بوتون دوا ردولنده یوکسک سسله قرائت اولونه رق مندرجاتنه کسب اطلاع ایدیلدیکی قیدیله مأمورلره آری آری امضا ایتدیر یلمشدر .

* *

شریقلر یازدیغنده محروم قالمشدر !

مقری کوی باروت فابریقه لرنده کی انفلاقده وفات ایدن اون ایلی ممله نک بریشان و سفیل قالان مائله لرینه یاردیم ایتمک اوزره بر مساره ترتیب اولونمش . مساره یه دارالبدایع ، دارالتعلیم موسیقی ، روس بکلت هیئت و بحریه باندوسی ده کتیر بلیش . فقط هوانک بوزولسی اکلنجه نک نشوه سی قاجیرمش . بوکارغما خلق اکلنجه یه دوام ایتمک آرزوسنی اظهار ایتمش ، نهایت باغمور کسب شدت ایتمش ، هر کس بر طرفه داغلمش . کنجلر برچاتی بولهرق آلتنه صیغتمشدر ، دانس ایدرک اکلنمشدر . بر آرزو کره مساره رینه بر ییلدیرم اصابت ایدرک صحنه یی ده تارمار ایتمش ! ..

* *

اورته لغی قاپولایانه عمومی ضلالت

اقدام صاحبی احمد جودت بک یازیور :

« شمدی یکی بر احتیاج قارشوسنده بولونیور زده اوده جمهوریت حالنده حریته استناد ایدن حیات ملیه ده نه کی قواعد ره طایت ایدلک لازم کله جکنک تمینیدر . مملکت او یله صفحاته کیردی که بوهرج و سرچ آراسنده طوغری بولی بولوب اوکا سلوک ایتمک حقیقه محال کی بر شیدر . حاکمیت ملیه و حریت شخصییه دییه عقله کلنی یازیور و یازیور ز ، حالبوکه بونلرک یوزده سکسانی حقیقت حاله موافق دکلدر . احواله ده حکومتک مأمورلری یله شاشیریور ز .